



UAsnath Mahapa ubhabhela phezulu

Sara Lekganyane
Khanyisa Masemola



ULebo waba nodliwanondlebe noKapteyini Asnath Mahapa esenzela imagazini yakhe yesikolo.

Unemincili yokudibana nomfazi wokuqala omnyama ongumqhubi nqwelomoya.

“Mholo, Kapteyini Mahapa! Wamkelekile kudliwanondlebe lwethu,” wabulisa.

“Ewe, ndiyabulela. Ndicela undibize ngegama uthi Asnath,” watsho uAsnath.



Ndicela undixelele ngeminyaka yobutsha bakho,”
watsho uLebo.

Waphendula uAsnath wathi, “Ndazalwa ngonyaka
we1979 kwiphondo iLimpopo eMzantsi Afrika.

Apho ndikhulele khona kwakungekho manzi abalekayo
nambane. Sasifunda sikhanyise ngamakhandlela.”



“Waqala nini ukuba nomdla kwiinqwelomoya nokubhabha?” wabuza uLebo.


“Ndaqala ukuba nomdla weenqwelomoya xa ndandineminyaka eli13.

Ngexesha ndisesinaleni ndaqala ukufunda iimagazini ezingokubhabha. Yaqala ngolo hlobo yonke le nto,” utshilo ngelikhumbulayo uAsnath.



“Lwakhula njani olu thando lokubhabha?” wabuza uLebo, ebhala amanqaku.

“Ndandidla ngokumangaliswa kukuba into enkulu nenzima kangaka ihlala njani phezulu emoyeni! Ndandifuna ukwazi ngakumbi ngokubhabha kwenqwelomoya,” waphendula uAsnath.



Umbuzo olandelayo kaLebo ngowokuba, “Zeziphi izifundo ekufuneka sizithathe xa sifuna ukuba ngabaqhubi beenqwelomoya?”

UAsnath wachaza ukuba iMathematika neNzululwazi zizifundo ezibalulekileyo.

“Uye ubhabhe iiyure ezininzi ukuziqhelisa phambi kokuba ufumane iphephamvume lakho lokuba ngumqhubi weenqwelomoya,” wongeza ngelitshoyo.



ULebo wabuza eminye imibuzo ngokufundela ukuba ngumqhubi wenqwelomoya.

UAsnath ephendula, “Ukuze ube ngumqhubi wenqwelomoya kufuneka uwazi amanani nokubala.


Ukufundela ubunjineli kukufundisa indlela inqwelomoya esebenza ngayo. Ubunjineli busekwe kwiNzululwazi neMathematika.”



“Usakhumbula mhla wawubhabha okokuqala? Mna ndiyakoyika ukubhabha!” watsho uLebo.

Waphendula UAsnath wathi, “Yhoo! Ndandinesiyenzi intloko yam yayijikeleza. Kodwa zange ndinikezele.

Ngoku ndibhabha ndiye kumazwe amaninzi ahlukene kwaye ndifunde nangeenkubeko ezahlukeneyo.”



“Ifanele ukuba mnandi loo nto!” wadanduluka uLebo.
“Ungandixelela ngakumbi ngendlela ezibhabha ngayo inqwelomoya?”

UAsnath wachaza wathi, “Umoya odlula emaphikweni enqwelomoya wenza amandla athi ayityhalele phezulu inqwelomoya.


Amandla avela kwinjini ayityhalela phambili inqwelomoya.”



“Inika umdla kakhulu le nto uyithethayo,” watsho uLebo. “Ingaba waba neengxaki ekubeni ngumqhubi wenqwelomoya?”

“Ewe, imingeni yayimininzi! Ndaxelelwa ukuba ndimfutshane gqitha. Bathi iziqinisekiso zam azikho mgangathweni wanelisayo.


Kananjalo ukuqhuba iinqwelomoya akufanelanga bantu babhinqileyo.”



ULebo ubuzile, “Wazisombulula njani ezo ngxaki?

“Ndalwa ukuze utshintshe umthetho ongesithomo somqhubi wenqwelomoya. Ndabuyela kwisikolo sokubhabha ndaza ndafumana amanqaku aphezulu.

Ndandifuna ukubonisa ukuba abantu ababhinqileyo bangawenza lo msebenzi!” waphendula uAsnath.



ULebo unqwalile waza uAsnathi waqhuba, “Ndafunda ukuba xa umise ingqondo akusoze ungayifezekisi iminqweno yakho.

Ndazifundisa ukungamameli nje nabani na othi andinakukwazi ukuyenza into. Kwaye abantu ababhinqileyo bangenza nantoni na enokwenziwa ngamadoda.”

ULebo wathi, “Yinyaniso leyo!”



“Yintoni ozingca gqitha ngayo?” ubuzile uLebo.

“Ndandineminyaka engamashumi amabini xa ndandilungele ukuba libhinqa lokuqala elingumntu omnyama ukuba ngumqhubi wenqwelomoya.

Kwaye ndandiyinxalenye yenqwelomoya yokuqala ebhabha neqela lababhinqileyo bodwa. Ndizimisele kakhulu ukukhuthaza amantombazana ukuba afunde iNzululwazi.”



ULebo uthi, “Ngelishwa, sesishiywe lixesha. Enkosi ngodliwanondlebe.

Usibonisile ukuba xa umntu ezimisele kwaye esebenza nzima, angaya kude!”

UAsnath uphendule encumile, “Enkosi Lebo. Bekumnandi ukuthetha nawe!”

—Imibuzo

1. Ngobani aba bantu babini bakweli bali kwaye bathetha ngantoni?
2. Kutheni uLebo esenza olu dliwanondlebe nje?
3. Yintoni eyenza uAsnath afune ukuba ngumqhubi wenqwelomoya? Zoba inqwelomoya inawe ngaphakathi njengomqhubi wayo.
4. Chaza ukuba wenza njani ukuze ube ngumqhubi wenqwelomoya.
5. Zibhabha njani iinqwelomoya?
6. Fumanisa ukuba yayingubani umfazi wokuqala ukuqhuba inqwelomoya eAfrika.
7. Uyakholelwa ukuba nabani na angakwazi ukubhabhela phezulu oku kuka Asnath? Chaza.
8. UAsnath waqala ukuba nomdla kwiinqwelomoya xa wayeneminyaka eli13 ubudala. Wena yintoni onomdla kuyo? Uza kufikelela njani kuloo nto?

—Iincwadi ezikolu luhlu

- UAndile Mji
- UAsnath Mahapa
- UBongani Mayosi
- UCharlotte Maxeke
- UMmantsane Moche Diale
- UMulalo Doyoyo
- UTebello Nyokong
- UTshilidzi Marwala

Le ncwadi iqulunqwe yaze yabhalwa
ngeSepedi, njengenxalenye yeprojekthi
yezixhobo zokufunda yeZenex Ulwazi Lwethu
ka-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education
Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: UAsnath Mahapa ubhabhela phezu

Author/s: Sara Lekganyane

Translator/s: Sheila Mandlate

Illustrator/s: Khanyisa Masemola

Assurer/s: Bulelwa Nokele, Angelinah Dazela

Language: isiXhosa



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

